



Inatsisartunut ilaasortanut
Inuit Ataqatigiit

10-06-2024
Suliap normua 2024 - 12210
All. il. 24264171

Postboks 260
3900 Nuuk
Oqa. (+299) 34 50 00
Nass. (+299) 34 66 66
E-mail: iian@nanoq.gl
www.naalakkersuisut.gl

**§ 37 naapertorlugu inuit innarluutillit najugaqarfigisimasaminut tikeraarlutik
angalasinnaatitaanerannut periarfissaq pillugu apeqquteqaammik nr. 118-2024-mik akissuteqaat**

Asasara Marita Jessen.

Apeqqutinnut qujanaq. Apeqqutigineqartut tullinnguuttuni ataasiakkaarlugit uteqqinneqarput akineqarlutillu.

**Apeqq. 1. Inuit innarluutillit illoqarfimmut allamut illoqarfigisaminni periarfissakinnertik pillugu
nuuttariaqarlutik namminneq najugaqarlutik nuunnikunut tikeraarluni angalasinnaatitaaneq
periarfissanngussanerluni?**

Akissut:

§ 54, imm. 1 pillugu inuit innarluutillit, 18-it qaangerlugit ukiullit, Inuit innarluutillit najugaqatigiiffimmi, najugaqarfimmi illersukkami imaluunniit ulloq unnuarlu neqeroorummi pineqartup angerlarsimaffittut najugarisaata, tassa inuup illoqarfittut imaluunniit nunaqarfittut angerlarsimaffisaata, avataanni najugallit ukiumoortumik akiliunneqarlutik najugaqarfigisaminnut tikeraarlutik angalasinnaatitaasut oqaaseqaatigineqarput. Inuit nunagisamik avataaniittut, nunagisaminnut atassuteqarnerminnik attassiinnarnissaannik ikorneqarnissaat aalajangersakkami siunertaavoq. Nunagisamik oqarnermi illoqarfik imaluunniit nunaqarfik, inuup najugaqarfissatut neqeroorummut nuunnissaa sioqqullugu, inuup innarluutilip najugaqarfigisaa, tikeraarluni angalanissamut tunngavilersuutigineqartoq, innersuussutigineqarpoq.

Kommunalbestyrelsip inuk innarluutilik najugaqarfigisaanut tikeraarluni angalanissaanut ataasiaannaanngitsoq akiliussinnaavaa, kisiannili inummut innarluutilimmut tamanna pisinnaatitaaffiunngilaq.

Aalajangersagaq tamanna malillugu inuup innarluutilip 18-iinik ukioqalereernerata kingorna najugaqarfigisaata nuunnissaa killilorsorneqanngilaq.

**Apeqq. 2. Inuit innarluutillit 18-leereersimasunut sumiiffigisaminnik ikorsiissutinik tulluartunik
peqannginnera aallaavigalugu allamut sumiiffimmut nuunnissamut inatsimmik
Nalunaarutiniluunniit ersarinnerusumik periarfissinneqarsinnaanerlutik?**



Akissut:

Kommunalbestyrelsip inunnut innarluutilinnut iliuusissatut pilersaarummik suliaqarnissaminik pisussaaffeqarpoq takuuk § 26 Inuit innarluutillit tapersorsorneqarnissaat pillugu Inatsisartut Inatsisaat. Iliuusissanut pilersaarut sapinngisamik inuk innarluutilik tassungalu angajoqqaatut akisussaasut imaluunniit angajoqqaatut sinniisoqarpat sinniisui aamma allat isumassuisui oqaloqatigalugit suleqatigalugillu suliarineqassaaq.

Ulloq unnuarlu neqeroorut § 27 naapertorlugu ineriertortitsinissamut pilersaarummik, iliuusissanut pilersaarummi siunertaasut aamma ulloq unnuarlu neqeroorummiitsinermut anguniakkat aallaavigalugit, iliuusissanut pilersaarummi anguniakkat anguneqarnissaannik qulakkeerinnittussanik perorsaanikkut suliaqarnermik nassuaanertalimmik suliaqassaaq.

§ 28 malillugu iliuusissatut pilersaarummut ineriertornissamullu pilersaarummut naleqqiullugit, killifinnut nalunaarusiatut ilusilimmik, kommunalbestyrelsimit nassiussassanik ulloq unnuarlu neqeroorut suliaqassaaq.

Matumanit inuit innarluutillit pisariaqartitai naapertorlugit tapersorsorneqarsinnaanerat qulakkeerneqassaaq. Najugaqarfingisami pisariaqartitaat naapertuunneqannangippata inuup innarluutilip pisariaqartitaanik eqquutsitsisumut najugaqarfimmut allamut nuunnissaa pillugu kommunalbestyrelsi naliliissaaq pisariaqarpallu aalajangiissaaq.

Najugaqarfimmut allamut iliuusissatut pilersaarummik allannguinikkut sapinngisamik inuk innarluutilik tassungalu angajoqqaatut akisussaasut imaluunniit angajoqqaatut sinniisoqarpat sinniisui aamma allat isumassuisui oqaloqatiginerisigut suleqatiginerisigullu tamanna pisassaaq.

Apeqq. 3. Arlaannik naalakkersuisut ilassutissaqarpat?

Akissut:

Oqartussaassusillit inatsisinik malinninnissaminik aamma inunnut innarluutilinnut tulluartumik ikiuinissaminik tapersersuinissaminillu pisussaaffeqarput.

Inussiarnersumik inuulluaqqusillunga


Aqqaluaq B. Egede